

Landsfundur Kvennalistans 1995

Skýrsla Framkvæmdaráðs

Framkvæmdaráð Kvennalistans sér um daglegan rekstur samtakanna. Ráðið er skipað a.m.k. fimm konum, tveimur fulltrúum frá hvorum um sig, Reykjanes- og Reykjavíkuranga, auk fulltrúa þingfloks og starfskvenna Kvennalistans. Allir angar Kvennalistans eiga rétt á að skipa tvær konur í ráðið en af landfræðilegum orsökum hafa konur af suðvesturhorninu að mestu leyti vermt sætin.

Kosningaár

Síðasta starfsár mótaðist mjög af Alþingiskosningunum í apríl. Stefnuskrárvinnu og bein kosningabaráttu tók allan kraft fyrri hluta ársins en að kosningum loknum voru konur hvíldarþurfi og starfsemin bar nokkurn keim af því fram á haustmánuðina. Eftir því sem liðið hefur á haustið hefur Kvennalistinn þó lifnað við og er ekki að sjá annað en að starfið sé að færast í eðlilegt horf.

Landsfundur

12. landsfundur Kvennalistans var haldinn að Varmalandi í Borgarfirði 11. - 13. nóvember 1994. Fundinn sóttu um 100 konur enda urðu umræðurnar bæði miklar og heitar. Í fyrsta sinn í sögu samtakanna var ársreikningurinn endurskoðaður af löggiltum endurskoðendum og var niðurstaðan að fjárhagsstaðan væri mjög góð. Stefnuskráin var rædd og einnig staða landsbyggðaranganna en lítið fylgi Kvennalistans utan höfuðborgarsvæðisins olli konum áhyggjum. Í framhaldi af landsfundinum var haldinn sérstakur fundur um landsbyggðina. Landsfundurinn tók þó ákvörðun um að Kvennalistinn byði fram í öllum kjördæmum. Sérstakur 5 kvenna áróðurshópur var skipaður og starfaði hann um tveggja mánaða skeið. Þar sem erfiðlega gekk að hafa stjórn á fundarkonum tóku tvær konur að sér að semja drög að fundarsköpum fyrir landsfund og vorþing Kvennalistans.

Samráðsfundir

Haldnir voru sex Samráðsfundir á starfsárinu, þar af fjórir símafundir. Dagana 28. og 29. janúar kom Samráð til fundar í Reykjavík þar sem gengið var frá einstökum köflum stefnuskrár Kvennalistans fyrir kosningarnar. Auk þess má nefna að helgina 25. - 26. febrúar hittust frambjóðendur Kvennalistans úr öllum öngum í Ásgarðsskóla í Kjós til þess að stilla saman strengi og búa sig undir kosningarnar. Símasamráðsfundir voru haldnir 6. og 20. febrúar, 11. apríl og 12. júní.

Fyrir utan stefnuskrána tók Samráð m.a. ákvarðanir um það með hvaða hætti sjóðum samtakanna skyldi skipt niður á angana. Angasjóður var tæmdur og skiptist hann á milli þingkonulausra anga. 60% af kosningasjóði skiptist jafnt á alla anga en þau 40% sem eftir urðu var skipt eftir fjölda heimila í hverju kjördæmi. Ákveðið var að 30% af aflafé hvers anga skyldi aftur renna í sameiginlega sjóðinn.

Samráð hittist síðast í Súðan, sumarbústað Guðnýjar Guðbjörnsdóttur í Grímsnesinu, laugardaginn 26. ágúst.

Vorþing

Vorþing Kvennalistans var haldið á Hótel Örk í Hveragerði dagana 30. apríl og 1. maí. Um 70 konur sóttu þingið sem einkenndist af léttleika, þrát fyrir lélega niðurstöðu í kosningunum. Sett var á laggirnar nefnd til að semja drög að starfsreglum þingfloks og myndaður hópur til að undirbúa Kvennafarskóla til þess að auka umræðuna um kvennabaráttu og málefni kvenna.

Útgáfumál

Samtök um Kvennista gefa mánaðarlega út fréttabréf, auk kvenfrelsistímaritsins Veru sem kemur út á 2ja mánaða fresti. Útgáfa fréttabréfsins lá þó niðri yfir sumar-mánuðina enda var athafnasemi Kvennalistans í lágmarki eftir kosningaátakið. Fjárhagur Veru er nokkuð góður en þó ber útgáfan sig ekki algerlega sjálf. Landsfundur ákvað að Vera fengi 700.000 kr. styrk til kaupa á tölvu og til efniskaupa í blaðið. Að auki var Veru, að ákvörðun Samráðs, gefin upp 700.000 kr. skuld við sam-tokin og dreifðist hún á árin 1993, -4 og -5. Samráðsfundur í ágúst ákvað enn fremur að af fjárhag næsta árs skuli Vera styrkt með rúmum 700.000 kr. þar sem tölvustyrk-

urinn sem veittur var á síðasta landsfundi fór að mestu í að greiða laun ritstýru í fæðingarorlofi.

Samtökin kostuðu sérstakan „kosningakálf“ sem dreift var með 1. tbl. Veru 1995, auk ýmissa pésa sem nýttust framboðslistum um allt landið.

Kvennalistinn létt búa til kosningamyndband, „Laumuspil við Laugaveginn“, sem sýnt var á sjónvarpsstöðvunum fyrir kosningar og tóku Kvennalistakonur af öllu landinu þátt í gerð þess.

Kvennalistinn stóð einnig fyrir kosningahappdrætti og voru vinningar dregnir út 19. júní. Listakonur víða um land gáfu fjöldan allan af vinningum sem voru alls 72 að verðmæti 907.826 kr. Miðunum var skipt jafnt á milli anganna og fékk hver angí ágóðann af sinni sölu.

Starfskonomál

Vegna kosningaundirbúningsins var Danfríður Skarphéðinsdóttir ráðin kosningastýra og starfaði hún á landsvísu í þrjá mánuði. Auk hennar var Sigrún Sigurðardóttir ráðin til starfa í mánuð vegna kosningabaráttunnar. Báðar fastráðnu starfskonur Kvennalistans, Þórunn Sveinbjarnardóttir og Kristín Halldórsdóttir, helltu sér af fullum krafti út í kosningabaráttuna og létu af störfum í kjölfarið. Kristín fór inn á þing en Þórunn, sem nú er varaþingkona, fór til starfa í fjarlægri heimsálfu á vegum Rauða krossins.

Þær sem þingflokkurinn skrapp nokkuð saman eftir kosningarar var ákveðið að byrja á að ráða framkvæmdastýru í fullt starf til samtakanna og hóf Áslaug Thorlacius störf í júnímánuði. Eftir að þingstörf hófust í haust var ljóst að starfskonulaus gat þingflokkurinn ekki verið og því var Stefánía Óskarsdóttir ráðin framkvæmdastýra þingfloks í 60% starf. Hún hóf störf í októberþyrjun. Bæði störfin voru auglýst opinberlega.

Laugardagskaffi

Einsog svo margt annað lá laugardagskaffið í híði sínu í sumar en yfir vetrarmánuðina var það fastur liður í hverri viku og oft vel sótt. Efnið var fylబreytt, frá Ameríku voru fluttar feministfréttir, rætt var um stöðu kvenna á vinnumarkaði, hvort Jafnréttislögin væru pappírsins virði, mannréttindi kvenna og íslensku stjórnarskrána. Kvennaráðstefnurnar í Kína, þróun launastefnu á Íslandi, Kvennakirkjuna og málefni nýbúa á Íslandi.

Fastir fundatímar

Framkvæmdaráð fundar annan hvern fimmtudag kl. 16:30 og er öllum Kvennalista-konum frjálst að sitja fundina og leggja sitt til málanna þó strangt til tekið hafi fulltrúar í ráðinu einar atkvæðisétt. Þær sem ekki eiga þess kost að mæta í eigin persónu geta sent erindi sín inn á fundina, hvort sem er skriflega eða með símtali við einhverja framkvæmdaráðskonuna.